



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Art. 1. Regulæ dirigendi conscientiam rectam.

urn:nbn:de:hbz:466:1-37144

n.46. &c D.94. c.2. § 3. Dian. p.1. tr.7.
R.64. &p.3. tr.4. R.67. Lugo depenit.
D.16. s.9. n.440. Dicast. tr.8. de penit.
D.9. d.1. n.19. Sancius in selett. D.20. n.5.
Suar. de relig. T.2. tr.4. / 3. c.7. Tamb. in
Metb. confess. l.2. c.6. §.2. n.6. & alii: quia
ut aliquod opus sit verè ac propriè peccatum,
etiam malitiā extrinsecā, neces-
se est, ut, dum fit, sit propriè & actuliberum,
& cùm primum caret libertate,
non potest tunc non cessare esse peccatum:
nam quæ opera runc non agimus li-
berè, non ea nunc operamur nisi ex neces-
itate simpliciter, quæ repugnat libertati
operis: ergo omissione non potest verè esse
peccatum, si, dum est, non subditur do-
minio arbitrii, sed jam extra ejus potesta-
tem ac jurisdictionem est.

74. Eodem modo discurrendum est
de quolibet alio actu positivo, qui eo tem-
pore contingit, quo à nobis amplius im-
pediri non potest, & ramen causa voluntaria
ad eum efficiendum est posita, v.g.
vulneravit quis lethaliter alterum, vene-
num mortiferum præbuit, aut consilium
dedit tendens ad alterius necem &c. et si
enim ex his actiōibus mors sequatur,
mors tamen ipsa amplius impediri nequit,
& idcirco duni contingit, non est pecca-
tum, sed tantum effectus peccati. Bonac.
n.8. Suar. Fill. II. cc. Ex quibus breviter

75. Patet, eventus ex causa quidem
libera secutus, sed eo tempore, quo am-
plius impediri non possunt, nec amplius
pendent ab actu libero præsenti, non esse
necessariò in confessione explicandos,
quidquid aliqui obmurmurent. Laym. l.c.
§ tr.3. c.4. n.4. Bonac. n.8. Valsq. cit.
D. 94. n.16. Dian. l.c. Lugo n.440.
Sancius, Tamb. II. cc. & alii, quorum

sententiam probabilem reputat Sanch. l.1.
Mor. c.16. n.46. prope finem, ut adeo
mirum sit, Arriagam dicere, apud omnes
certum esse, talem effectum in confessio-
ne exponendum esse, quidquid demum
sit, an idem effectus peccatum sit dicen-
dus, vel non. Ratio autem potest esse,
quia in confessione omnia & sola peccata
sunt exponenda; non verò effectus postea
ex peccato secutus. Et ideo sufficit dicere:
vulneravilethaliter alterum, porrei
venenum lethale, dedi consilium efficax
de patranda alterius nece &c. Nihil
minus tamen aliquid Arriagæ dare possumus,
nimur expedire quoque, ejus-
modi effectus consecutos explicare, tum
ut melius & exactius intelligatur status
peccatoris; tum ut perficiatur, an incur-
rerit censuram aliquam Ecclesiasticam, vel
casum reservatum, vel onus restituendi,
quæ subinde peccato præterito sub con-
ditione talis effectus re ipsa secuti annexa
sunt.

QUÆSTIO III.

*De Regulis Conscientia di-
rectivis in particulari.*

Inter species Conscientiæ præcipua est
Illa, quæ *Recta* vocatur, de qua non atti-
ner multa dicere: pauca sunt, quæ de ea
scire oportet.

ARTICULUS I.

*Regula dirigiendi Conscientiam
rectam.*

76. Nota, Conscientiam esse actum
certum & evidentem intellectus, judican-

tis hic & nunc honestum esse ac licitum operari. Ad hoc judicium præsupponitur aliud, & id quidem varium, quo intellectus de honestate vel in honestate speculative decernit, v.g. contractum hunc non esse usurarium: vide sup. n. 3. 4. & 6. Et hoc judicium si feratur de objecto, ut pareat, dicitur *Rectum*, & Conscientia inde formata *Recta*. Potest autem hoc dictamen formari I. per modum consilii. II. per modum præcepti, ut sup. n. 8. explicatum est. Quo posito statuuntur sequentes regulæ de re proposita.

77. Regula I. Conscientia recta consulens non obligat, ut eam sequamur, seu, ut eidem affectum nostrum conformemus. Hæc est enim natura operum, quæ dicuntur *Consilii*. Sed neque obligat, ut contra eam non operemur, ex eadem ratione. Quantumvis ergo conscientia dicet, virginitatem esse colendam, non peccat, qui eâ omisâ statum matrimonii amplectitur.

78. II. Conscientia recta præcipiens obligat voluntatem ad non resistendum ei, ita ut peccet, si resistat, seu non faciat, aut non omittat id, quod conscientia dicat, faciendum esse vel omittendum. Constat ex dictis n. 10. sup.

79. III. Conscientia recta præcipiens obligat voluntatem non tantum ad non resistendum, sed etiam ad aliquid faciendum, vel omittendum juxta tale illius dictamen, ita ut peccet eam non sequendo, seu faciendo, quod conscientia dicabat esse omittendum; aut omittendo, quod ex eodem dictamine faciendum erat. Pro ratione autem materiae levis vel gravis, grave vel leve peccatum

R. P. Stoz Trib. Pœnit.

erit agere contra dictamen rectæ conscientiae præcipientis.

ARTICULUS II.

Regula dirigendi Conscientiam erroneam.

80. Nota I. Conscientiam erroneam non esse propriè ac verè dictam Conscientiam, ut vulgo dicitur; sed esse umbram tantum Conscientiæ, & procedere ex iudicio erroneo de honestate, vel in honestate objecti: v.g. cultus Religiosus est DEO gratus; hoc judicium si male intellegatur, errorem gignere potest; si enim subsimilatur: atqui hoc mendacium cederi in augmentum Religionis; ergo honestum est & licitum nunc mentiri. Quæ conclusio practica seu conscientia est simpliciter falsa & erronea, procedens ex illo falso & erroneo principio, quod mentiri pro religionis augmentatione sit cultus religiosus.

81. Nota II. Errorem nihil aliud esse, quam actum intellectus rem falsam, hoc est, aliter, quam sit, judicantis. Hujusmodi vero error alius est vincibilis, alius invincibilis. Ille est, quem operans deponere potest, si modum saltum confusè cognitum indagare velit, per quem possit errorem deponere. Iste vero est, qui vitari non potest, eo quod operanti nec occurrat, quod erret; nec si occurrat, quod erret, ullus modus, quo errorem deponere possit, incidat. Sit exemplum: Petrus & Paulus judicant, restitutionem non esse faciendam, cum tamen sit; & Petrus quidem, et si incidat ipsi aliqua cogitatio vel dubitatio, num forte sit restitutio facienda, omit-

Zz

tit